

唐
音
統
籤

已籤四

晚唐雜詩

之六

一十四人同卷

唐音統籤卷

八百五十四

楊發

字至之家，益州太和四年擢第，歷湖南、西川

嶺南節度軍，亂政娶州刺史卒發兄弟四人及羣從多登高等時號修行楊家與靖恭諸楊比盛焉

南溪書院

茅屋住來久，山溪不置門。草生壺井口，花發樓

一作

樓。籬根入院，將雛鳥攀蘿。抱子猿曾聞，異人說風

景似桃源。

春園醉醒閑卧小齋

酣醉送餘春，醒來恨更頻。花殘蜂蠹物，葉暗鳥欺人。簾閉高眠貴，齋空浩氣新。從今北窗蝶，長是夢

中身

小園秋興

一作晚

誰言帝城裏獨作野人居
石磴晴看疊山苗晚自
鋤相慚五秉粟尚癖一車書
昔日揚雄宅還無知
相興

興諸公池上待月

樹密雲縈岸池遙水際空
芰開方吐鏡蘋動欲含
風漸映沙汀白微分渚葉紅
金波宜共賞仙棹一
宵同

蒼雀

弱羽怯孤飛，投簷幸所依。
嘶環唯報德，賀厦本知歸。
紅紫休爭顧，丹心自識機。
從來攀鳳足，生死戀光輝。

殘花

已嘆良時晚，仍悲別酒催。
暖芳隨日薄，殘一作逐風迴。
黛歛愁歌扇，粧殘泣鏡臺。
繁陰莫矜街，終是共塵埃。

山泉

半空飛下水，勢去響如雷。
靜徹啼猿寺，高陵坐客臺。
耳同經劍閣，身若到天台。
濺樹吹成凍，隣祠觸

作仄深中試柳粟淺處落莓苔
半夜重城閉潺湲
枕底來

秋晚日少陵原游山泉之什

喧濁侵肌性未沉
每來雲外恣幽尋
塵衣更喜秋泉潔
倦跡方依竹洞深
暫過偶然應係分
有期終去但勞心
唯憐一夜空山月
似許他年伴獨吟

秋晴獨立南亭

晝對南風獨閉閤
暗期幽鳥去仍還
如今有待終身貴
未若忘機盡日閑
心似蒙莊游物一作外官
漸許掾在人間
閑襟自向清風笑
無限秋光為解

顏

宿黃花館

孤館蕭條槐葉稀，暮蟬聲隔水聲微。
年々為客路無盡，日日送人身未歸。
何處迷鴻離浦月，誰家愁婦搗霜衣。
夜淚不卧簾猶捲，數點殘螢入戶飛。

南野逢田客

桑柘悠悠水蘸堤，晚風晴景不妨犁。
高機猶織卧蠶子，下坂未饑逢飼妻。
杏色滿林羊酪熟，麥涼浮壠雉媒低。
生時自樂死由命，萬事在天管不迷。

東齋夜宴酬紹之起居見贈

龍門八上不知津，唯有君心用益親。
白社追游名自遠，青袍相映道逾新。
十年江海魚緘盡，一夜笙歌鳳吹頻。
漸老舊交情更重，莫將美一作文酒負良辰。

玩殘花

十月濃芳一歲程，東風初急眼偏明。
低枝似泥幽人醉，莫道無情似有情。

揚收

字藏之，發之弟十三，善文，咏吳人，號為神童。

會昌初舉進士第，然宗朝累中書舍人，拜相。

為帝保衡所傾，長流驪州，賜死。

咏蛙

舊唐書本傳：比發戲，今咏蛙收，即曰。

兔逸分玉樹龍底曜銅儀會當同鼓吹不復問官私

筆

又全咏筆仍賦錯字即曰

端 雖非囊中物何堅不可鑽一朝操政柄定使冠三

嘲吳人觀者

曰

又曰吳人多造門求觀袖童請為詩什時觀者應歎其藩收嘲

爾幸無羸角何用觸吾藩若是仕堂者還應自得

門

揚素

發之子大中初登進士第有俊才尤能為歌詩終殿中侍御史張為作主客圖以白樂天

詩

卷八

百五

十四

四

四

四

四

四

爲廣大教化主而
以秉爲入室之上

甲子歲書事時上黨用兵討賊

此會昌四年
討劉稹也

監子未鼎烹大君尚盱食風雷隨出師雲霞有戰
色犒功雄萬牛募勇懸千帛武士日曳柴飛將魏
執馘喜氣迎捷書懽聲送羽檄天兵日確強桀犬
稍離坼賊臂既已斷賊喉既已搯樂禍但鯨鯢同
惡惟肘腋小大勢難倖逆順初不敵違命固天也
時險垂長策薑毒久萌牙狼顧非日夕禮貌忽驕
狂疏奏遂指斥動衆豈佳兵含忍恐無益宏恩既
已孤小效不足惜齋儒一鈿刀投筆時感激帝閣

不敢干恹々坐長晝

南徐春日懷古

六代驕奢地三春物象繁
靈湖通漲海天壑隔中原
曉渡高帆駛陰風巨艦翻
旌旗西日落戈甲夏雲屯
豹變資陳武龍飛擁晉元
風流前事盡文物舊儀存
邪侮嘗移潤忠貞幾度寬
興亡山兀々今古水渾々
露暖蜂偷藥鶯啼日到軒
酒賜堆麴藥詩思透軋坤
愁夢全無蝶離憂每愧萱
形融勞大塊玉石任炎崑
出處寧由已升沉未足言
且應中聖樂坐起任昏昏

吳中書事

十萬人家天塹東
管絃臺榭滿春風
名歸范蠡五湖上
國破西施一笑中
香逕自生蘭葉小
響廊深映月華
空樽前多暇
但懷古盡日愁吟
誰與同

建鄴懷古

故城故壘滿江濱
盡是干戈舊苦辛
見此卽須知帝力
生來便作太平人

榜句

自憐車拙兩何如
畫泥混琴夜
泥書數拍胡笳彈
未熟故人新命畫胡車

高瓊

字瑩之渤海人第進士累佐使府大中朝由內外制歷丞節度使通中守中書侍郎平章事

和薛逢贈別

逢時為綿州刺史後自梓州刺史入朝道經綿州進邀之登越

王棧殿別贈詩瓊曰和云

劍外絲州第一州
罇前偏喜接君留
歌聲婉轉添長恨
管色淒涼似到秋
但務歡娛思曉角
獨耽雲水上高樓
莫言此去難相見
怨別徵黃是順流

句

公齋一到人非舊
詩板重尋墨尚新

和白敏中程忠州追尋樂

天遺臨瓊時為中書記也記事

徐商

字義聲咸通四年以兵部尚書同平章事官棗州節度使武周錄王傳誥文士

皆音阮

卷八百五十四

六

己

多在
其暮

賀襄陽副使節判同加章綬

朱紫花前賀故人，魚榮此會頗關身。同年坐上聯
賓榻，宗姓亭中布錦裯。晴日照旗紅灼燦，韶光入
隊影玢璘。芳菲解助今朝喜，嫩葉青條滿眼新。

句

萍聚只同今日浪，荻斜都為庾來風。誠為秀才時

與諸子賦詩中丞見而美之坐間中丞呼左右青
曰何令馬入池中踐浮萍皆聚蓋致風倒怒甚左

右莫敢對試云云中丞
大悅遂留為客語云

王鐸字昭範宰相擢從子會昌初擢進士第咸通
時兩典貢拜相葉起為統帥收京師封晉

公後落職卽度滄景
為魏博樂從訓所言

和于興宗登越王樓詩

時鐸為侍御史

謝朓題詩處危樓壓郡城
兩餘江水碧雲斷雪山
明錦繡來仙境風光入帝京
眼無青玉紫何以報
高情

謁梓潼張惡子廟

王氏見閩曰張惡子者為

魏襄歸秦襄稱帝立廟于所見之處唐宗
幸蜀其神霧中來迎帝解佩劍賜之祝令
巫賦後駕曰贈珍玩
廟中碑有詩刊石曰

盛唐聖主解青萍欲振新封濟
順名夜兩龍拋三尺
匣春雲鳳入九重城

時鐸宗幸蜀術亡劍門喜
皆云卷內必還京劍門喜

氣隨雷動玉壘韶光待賦平惟報關東諸將相柱
天功業賴陰兵

罷都統守鎮滑州作

新唐書本傳鐸再起都
統撤至七氣皆起巢魁

戰數卷為田令政所搆罷
為檢校司徒節度使

用軍何事敢遷延思重才輕分使然黜詔已聞來
關下檄書猶未遍軍前腰間盡解蘓秦印波上虛
迎范蠡船正會星辰扶北極却驅戈甲鎮南燕三
塵上相逢明主几合諸侯媿昔賢看却中興扶大
業殺身無路好歸田

句

華表尚迷丁令鶴竹坡猶認葛溪龍

吟客
蘇錄

王錄

登咸通進士第累官汝州刺史王仙
芝陷汝城賊詔州司馬終太子賓客

感事

紀事云錄富有詞學數舉未提從父起
賢者受徵相于負薪優人致請乃旌錄

嘉句擊石云云名稱藹然果擢上第

擊石易得火扣人難動心今日朱門者曾恨朱門

溪

李蔚

咸通中宰相
出為節領

句

虛心織質雁銜餘鳳吹龍吟定不如薛陽陶善吹
蘆管朱崖李

胡舊人蔚鎮淮海陽陶為浙右小枝
宋至蔚召訊舊事留止別館令出蘆管于賞心亭

書音苑

卷八百五十四

八

乙

奏之其管純微不一蕭粟中常容三管聲如天降
自然而來情思寬闊蔚大加賞贈請其終篇云
鄭愷番蜀人咸通中代蔡京視察桂管入為禮部
侍郎即知貢舉紫冠平後出錘南海終尚書左

僕射北夢瑣言云慈雄才與學而性好華飾嘗
以錦為半臂指相公鈺鎮荆南慈赴桂管任過其
地慈遂進士時初未嘗以文章及崔公門至是謁
見先于客次漁麻衣費所業崔公閱卷賞嘆不覺
曰真錦得錦半臂矣

幼作廣志云慈幼顯力學堂作此誌
然有濟川志識者知其公翰

臺山初罷霧岐海正分流漁浦颺來笛鴻達翼去

舟

茶詩見錦傍
萬花谷

嫩芽香且靈吾謂草中英夜白和烟持寒爐對雪烹

惟憂碧粉散嘗見綠花生

崔安潛

字進之齊州人進士擢第咸通中歷忠武節度使拒王仙芝有功代高駢鎮西川除

駢謬政終太子太保

報何澤

犯事澤韶陽人父興安潛同年乾寧中澤隨計至三峯行在安潛聞澤來

以一絕報之時相庭有所澤竟敗于垂成至梁朝始及第

四十九年前及第同年唯有老夫存今日殷勤訪

吾子穩將鬢鬢上龍門

鄭薰

字子澤懿宗朝歷太常少卿進左丞以太子少師致仕號所居為隱岩詩七松于庭自稱

七松處士

題桐栢觀

方輿勝覽

溪山桐栢覩殘雲路猶分散里踏紅葉全家穿碧
雲月寒巖障曉風遠蕙蘭芬明日出林去吹笙不
可聞

贈華時詩 并序

九華處士華時擅玄言之要通易老其於淨名
僧理尤精達余在句溪時重其能並帶而致之
及到官舍再說易一說老氏將見姪登輒去不
坐而傳之老氏輩業而冠難作與華各散去不
知其何之存耶亡耶余既休居洛師錄衆獨靜
已卯冬十一日半雪中閣客扣柴門雜童視之
走復曰華處士適下榻閣執手語艱苦帶背
簪笈草履杖靈壽下筵且啗笑曰聞公活養淡
逸不屑於榮悴故以玄來助成之升榻解四書
即局老僧聲也明日講聲理論階前多偃松高桂
冰凍墮落有琴瑟金石聲理致明妙神骨起爽
自謂一時之遇曰與故人為徒又意茲樂之難

發也遂二十

韻贈之詩云

密雪松桂寒書憲道餘清風撼冰玉碎階前琴磬
聲榻靜几硯潔帙散繡網明高論展僧肇精言寶
輩生立意加玄虛析理分縱橫萬化悉在我一物安
能驚江海何所動丘山常自平遲速不相聞後先
徒起爭鏡照各妍醜稱稱分重輕顏容寧入鑑銖
兩豈關衡蘊微道超忽剖證音泠泠紙上掣牢鍵
舌端搖利兵圓激保真性客塵排妄情有往即非
住無行方是行踈越捨吳曲朱絃鄙秦箏淡薄貴
無味羊斟慚大羹洪遠包乾坤幽窟潛沉冥罔煩

跬步舉頓連萬里程
廬遠尚莫曉
隱雷曾誤聽
直須持妙說
共詣毗耶城

句

項斯逢水部
誰道不關情

曹汾

字道謫河南人歷忠武軍
曹汾字道謫河南人歷忠武軍
觀察使戶部侍郎

早發靈芝望九華
寄杜員外使君

戴月早辭三秀館
遲明初識九華峰
嗟玉劍寒
銚利裊青蓮翠葉重
奇狀却疑人畫出
嵐光如
為客添濃行春若到五溪上
此處塞帷正面逢

許三畏

進士

題菴蒲廢觀

杜光庭靈驗記觀在廣州有安
期生丹灶為僧所侵置禪室三

畏題此詩于壁節使節
愚見而感為表表復之

本是安期燒藥處
今來改作坐禪宮
數僧梵響滿樓月
溪谷猿聲半夜風
金簡事移松閣迥
綵雲影散闌山空
我來不見修真客
却得真如問遠公

已籤四

晚唐雜詩

之七

二十卷

唐音統籤卷

八百五十五

韋蟾

字德珪下社人大中登進士初為徐商掌書

末終尚書左丞

和柯古窮居苦熱喜雨

貞機澹少思雅尚防多僻攬葛猶不畏勞形同處
瘡頭焦詎是焚背汗寧闕灸方欣見澗磔那虞悲
鑠石道與古人期情難物外適幾懷來郵緩頗曠
金門籍清興已蕭々陳柯將城々玉律詩調正瓊
卮酒賜窄衣桁篋中單浴床拋下綵黎侯寓於衛
六義非凡格

道林寺

與崔珏同賦

石門迥接蒼梧野，愁色陰深二妃寡。
廣殿崔嵬萬壑開，長廊詰曲千巖下。
靜聽林飛念佛鳥，細看壁畫歌經馬。
暖日斜明蟬竦梁，濕烟散亂鴛鴦瓦。
此方部落檀一作沱杏望西國文書貝葉寫，
壞欄近竹醉好題，窄路垂藤困堪把。
沈裴筆力闔雄壯，宋社詞源兩風雅。
他方居士來施齋，彼岸上人投結夏。
悲我未離擾，徒勸我休學悠。
者何時得與劉遺民同入東林遠公社。

上元三首

新正圓月夜尤重看燈時累塔熈沙細成文訝筆
遲歸牛疑燧落過雁悞書遲生惜蘭膏燼還為隔
歲期

舉燭光綵起揮毫勢競分點時驚墜石批處接崩
雲辭異秦丞相銘非寶冠軍唯愁殘焰落逢玉色
俱焚

多寶神光動生金瑞色浮照人低入郭伴月夜當
樓熏穴應無取焚林固有求夜闌陪玉帳不見九
枝留

梅

高樹臨溪艷低枝隔竹繁何須是桃李然後欲忘
言擬折魂先斷須看眼更昏誰知南陌草却解望
王孫

送盧濤尚書之靈武

賀蘭山下果園成塞北江南舊有名水木萬家朱
戶暗弓刀千隊鐵衣鳴心源落上堪為將膽氣堂
堂合用兵却使六番諸子弟馬前不信是書生

題僧壁

一竹橫簷挂淨巾
龜無烟火地無塵
剃頭未必知心法
要且閒於名利人

贈高山僧

高嶺東西路欲分，兩間茅屋一溪雲。
師言耳重知師意，人是人非不欲聞。

句

淨揮釣弋手，競奪踏搖身。
傷頗詎聞舞，捧心非効

噴。袁陽風先亭夜宴有妓醉戲

溫庭皓。初為袁陽徐高從事與同列戲成式章塘

并相偈和歲通中許徐州推房魯幕府值
麻勅反使庭皓草表求節度且費以召保答曰武
皇以筆硯事賦而其速殺我遂過害詔贈兵部郎
中

上元 三首

一峰當勝地萬點照嚴城勢異崑岡發光疑玄圃
生焚書翻見字舉燧不招兵况過新春夜何勞秉
燭行

九枝應並耀午夜忽潸然景集青山外螢分碧草
前輝華侵月影歷亂寫星躔望極高樓上搖光滿
綺筵

春山收暝色燭火集餘輝麗景饒紅焰祥光出翠
微白榆行自比青桂影相依唯有偷光客追游欲
忘歸

梅

一樹寒林外何人此地栽春光先自煖陽艷暗相
催既覺霜添白寒迷月借開餘香低惹袖墮葉逐
流杯零落移新煖飄颻上故臺雪繁鷗不識風泉
蝶空迴羞吹應愁起征徒異渴來莫貪題咏只商
鼎待鹽梅

李騷

海里詳自記
之行與孫樵司

廣明詔書稱其有曾閩
空圖為行在三絕

慧山寺肄業送懷坦上人

流水何山分浮雲空中遇我生無根株聚散亦難
固憶昨關龍春巖棲侶高步清懷去爲東幽境無
滓汚日落九峯明烟生萬葉暮茲欲未云隔前笑

修已故四時難信留百草換霜露離襟一成解悵
抱將何諭驚泉有餘哀永日誰與度緬思孤帆影
再往重江路去去忽悽悲因風暫回顧

太和五年四月余自江東將而歸涉陽路出錫
邑因肆棠于慧山寺居三歲其所謀念左氏春
秋詩易及司馬遷班固史屈原離騷註固釋非
書記及著歌詩數百篇其詩凡言山中事者悉
記之于屋壁文則不載其寺會昌米經廢毀屋
室殆無存者去年蒙恩自禁戲出鎮鍾陵鐘陵
與昆陵地不相遠而慧山居其屬邑間其寺復
置會錫邑宰去年過此留宴數日今于予為故
人因寫書請再遊焉嗚呼自太和癸丑至咸通
己丑三紀餘矣念邑中居人與僧居在慧山與
寧兩寺者今無人焉染翰增悲復何言耳咸通
十年二月一日江南西道鄒鳳使持節都督洪
州諸軍事兼洪州刺史御史中丞上柱國賜紫

全魚袋李

陽隨記

讀惠山若水師集因題故院 三首

五天何處聖心念起皆知化塔留今日泉鳴自昔
時古苔生石靜秋草滿山悲莫道聲容遠長歌白
雪詞

高懷逢異境佳句想吟頻月冷松溪夜烟濃草寺
春浮雪將世遠清聽與名新不見開岩日空為拜
影人

景物搜求歇山雲放縱飛樹寒烟鶴去池靜水龍
歸暗榻塵飄滿陰簷月到稀何年燈焰盡風動影

堂廡

自惠山至吳下寄酬南徐從事

不接芳晨游獨此長洲苑風顏一成阻翰墨勞空
迤悠汀渚長杳杳蘋花晚如何西府歡尚念東
吳遠瑤音動清韻蘭思芬盈晷猶及九峯春歸吟
白雲獻

張叢

咸通中官桂
觀管察使

游東觀山

見莫休符桂林風土記
有作前政張固詩者誤

巖岫碧游顏靈踪若可攀樓臺烟霽外松竹翠微
間玉液寒深洞秋光秀遠山憑君指歸路何處是

人寰

霍搖

或通時池
州刺史

郡樓望九華歌

樓上坐見九子峯翠雲赤日光溶
有時朝昏變
疎密八峯和烟一峯出有時風捲天
雨晴聚立連
連如弟兄陽鳥生子偶成數丹鳳養
雛同此名日
日遙堪機已靜未離塵躅思真境
子明龍駕騰九
垓陵陽相對空崔嵬玉漿瑤草不可見
自有神仙
風馬來

塞下曲

曾當一面戰頻出九重圍但見爭鋒處長須得勝
歸雪沾旗尾落風斷節毛稀豈要銘燕石平生重
武威

關山月

珠璣翡翠床白替侍中郎五日來花下雙童問道
傍到門車馬狹連夜管絃長每笑東家子窺他宋
玉墻

駉馬

青驍八尺高俠客倚雄豪踏雪生珠汗障泥護錦
袍路傍看驟影鞍底卷旒毛豈獨連錢貴酬恩更

代勞

雉朝飛

五色有名翬
清晨挾兩雌
羣々飛自樂
歩々飲相隨
覘葉逢人處
驚媒妬寵時
綠毛春鬪盡
強敵願君知

木芙蓉

木自江湖遠
常聞霜露餘
爭春候穠李
得水異紅蕖
孤秀曾無遇
當門幸不鉏
誰能改搖落
繁綵照階除

採蓮女

舟中採蓮女面而催粧梳聞早渡江去日高來起

居

馮袞

東陽人定之子登進士第咸通中歷任益州刺史

崇為蕪州刺史南都新書云馮袞給專宅在親仁坊處際高春雜禽人謂之鳥省

擲盧作范石湖吳郡志云袞收蕪州殿日會

乃吟曰

八尺臺盤照面新千金一擲鬪精神合是賭時須賭取不妨回首乞閑人

戲酒妓

雜說袞會琴聲飲酣酒妓盼軍伴留情袞戲之作歛衽而謝因吟曰

醉眼從伊百度斜是他家屬是他家低聲向道

知也隔坐剛拋豆蔻花

蔡京

初為僧令狐楚勸之學後舉進士上第尋又學究登科性驕矜以詞氣自負咸選中歷官

南節度使御下慘焉軍中所逐貶崖州死焉

咏子規

千年冤魄化為禽
永逐悲風叫遠林
愁血滴花春艷死
月明飄浪冷光沉
凝成紫塞風前淚
驚破紅樓夢裏心
腸斷楚詞歸不得
劍門迢遞蜀江深

泊舟涪溪

紀事云京假節邕交道由涪溪轉程賦詩久之既而死于邕南榮璜

此地名其地矣

停橈積水中舉目孤烟外
借問涪溪人誰家有山

賣

商山四老

秦末家口思逐鹿商山四老獨忘機如何鬢髮霜
相似更出溪山定是非

張頊獻蔡京詩

雲漢友議京驕矜人莫敢親為撫
州刺史即有汝水以為放生池不

許漁罟之事忽一人乘小舟釣于此蔡遣
吏捕之釣者為詩云云京覽詩居之已去
卒不言其姓字有識者曰昂人張頊
也頊字不惑本姓王氏德而不言

拋却長竿捲却絲手携篋笠獻新詩臨川太守清

如鏡不是漁人下釣時

牛徵

叢之子僧孺之孫也
登咸通二年進士第

登越王樓即事

危樓送遠目信美柰鄉情轉岸孤舟疾嘶山落照
明蕭條看草色惆悵認江聲誰會登臨恨從軍白
髮生

盧駢

咸通進士官員外郎
史稱為才俊之士

題青龍精舍

唐開元云盧駢員外一日休于
青龍僧舍詞氣慷慨暮歸促命

筆題南榻云云題畢
草二而去涉句幸

壽夭雖云命榮枯亦太偏不知雷氏劍何處更衝
天

伊璠

登咸通四年進士第為涇陽令黃巢亂陷寇
屢脫命刃下後逃避夜至藍關
九

之

及第後寄梁燭處士

繡轂尋芳許史家，獨將羈思遠江沙。
十年辛苦一枝桂，二月艷陽千樹花。
鵬化四溟歸碧落，鶴棲三島接青霞。
同袍不得同游玩，今對春風日又斜。

韋承貽

字貽之，咸通八年登第。

策試夜潛紀長句於都堂西南隅

褒衣博帶滿塵埃，獨自都堂納卷回。
蓬巷幾時聞吉語，棘籬何日免重來。
三條燭盡鐘初動，九轉丹

成鼎未開殘月漸低人擾口不知誰是謫仙才

又

一作誰能詩

白蓮千朵照廊明一片昇平雅頌聲才唱第三條

燭盡南宮風月盡難成

唐制舉人試日既暮許燒

晚主文樞樞與於憲下戲云三條燭盡燒殘舉子之心而舉子適答云八刻燭成驚破侍郎之膽

鄭洪業

歲通八年鄭愚下第一人擢第

詔放雲南子弟還國

唐志云恩典試以舊制詩賦題多用古句士易

始製成篇因以時政為題

德被陪臣子仁垂聖主恩
雕題辭鳳闕丹服出金門
有澤沾殊俗無征及獷狺
銅梁分漢土玉壘駕

鸞軒瘴嶺垂叢盛巴江越嶺垠萬方同感化豈獨
自南蕃

孫緯

咸通八年
宏詞登科

中秋夜思鄭延美有作

中秋中夜月世說憎妖精顧兔雲初散長蛇誰與
勅未追良友既安用玉輪盈此意人誰諭裁詩穿
禁城

歐陽玘

裴之子咸通十年歸
仁紹榜進士官書記

清曉捲簾

清曉意未悵捲簾時一吟檻虛花氣密地暖竹聲

溪秀色還朝暮浮雲自古今石泉驚已躍會可洗
幽心

巴陵

孤城向夕原春入景初暄綠樹低官舍青山在縣
門樓臺疑結屨枕席更聞猿客路何曾定揔遲欲
斷魂

榆溪道上

初日在斜溪山雲片片低鄉愁夢裏失馬邑望中
迷澗底淒涼氣岩前遍綠萸非關秦塞去無事候
晨雞

新嶺臨眺寄連總進士

關勢遙臨海峯巒半入雲
烟中獨鳥下潭上雜花
薰寄遠悲春艸登臨憶使君
此時還極目離思更
紛紛

幽軒

幽軒斜映山空澗復潺
潺重疊岩巒趣遙來窻戶
間桃花飄岫幌燕子語松
闌衣桁侵池翠階痕露
蘇班臨風清瑟奏對客白
雲閒卷戀青春色含毫
俯碧灣

翁綬

登咸通
進士第

婕妤怨

諛謗潛來起百憂
朝承恩寵暮仇讎
火燒白玉非因玷
霜翦紅蘭不待秋
花落昭陽誰共釐
月明長信獨登樓
繁華事逐東流水
團扇悲歌萬古愁

隴頭吟

隴水潺湲隴樹黃
征人隴上盡思鄉
馬嘶斜日朔風急
雁過寒雲邊
思長殘月出林明
劍戟平沙隔水見
牛羊橫行俱是封侯者
誰斬樓蘭獻未央

關山月

徘徊漢月滿邊州
照盡天涯到隴頭
影轉銀河寒

海靜光分玉塞古今愁
笳吹遠戍孤烽滅雁下平
沙萬里秋况是故園搖
落夜那堪少婦獨登樓

兩雪曲

邊聲四合殷河流兩雪飛來遍隴頭
鐵嶺探人迷鳥道陰山飛將濕貂裘
斜飄旌旆過戎帳半雜風沙入戎樓
一自塞垣無李蔡何人為解北門憂

行路難

行路艱難不復歌
故人榮達我蹉跎
瓠輪晚上銅臺雪
一葉春浮瘴海波
自古要津皆若此
方今失路欲如何
君看西漢翟丞相
鳳沼朝辭暮雀羅

折楊柳

紫陌金隄映綺羅，游人處處動離歌。
陰移古戍迷芳草，花帶殘陽落遠波。
臺上少年吹白雪，樓中思婦歎青娥。
殷勤攀折贈行客，此去關山兩雪多。

咏酒

避暑迎春復送秋，無非綠蟻滿金浮。
百年莫惜千回醉，一盞能消萬古愁。
我為芳菲眠細草，曾因兩雪上高樓。
平生名利關身者，不識狂歌到白頭。

白馬

渥洼龍種雪霜同，毛骨天生膽氣雄。
金埒乍調光

照地玉閨初別遠，嘶風花明錦襜垂。楊下露濕朱纓細，草中一夜羽書催。轉戰紫髯騎出，佩驛弓。

句 事文類聚

海國歐鄉浙水東，暫煩良守此憑熊。

武瓘

資池人登咸通進士第蓋陽令

九日衛使君筵上作

佳晨登賞喜還鄉，謝字開筵晚興長。滿眼黃花初泛酒，隔烟紅樹欲迎霜。千家門戶笙歌發，十里江山白鳥翔。共賀安人豐樂歲，幸陪珠履侍銀章。

勸酒

勸君今屈卮滿酌不須辭花發多風雨人生足別離

感事

紀事云璿初投卷於知舉蕭傲見其有存故之志遂放及第一作于清詩

花開蝶滿枝花謝蝶還稀惟有舊巢燕主人貧亦

歸

唐偁

埴情集云詩與于淡同聲多比諷題于教化

詩二首

道
天若無雪霜青松不如草地若無山川何人重平

一日天無風四溟波盡息人心風不吹波浪高百

尺

道傍木

狂風拔倒樹，倒根已露上。有數枝藤青，猶未

悟

王季文

字宗素，池陽人。少願名利，居九華，遇異人

後策名于真列，與注使然，不可移也。咸通中登進

士第，授秘書郎，尋謝病歸。九華曰一溪于山之龍

九華山謠

九華崢嶸占南陸，蓮花擢本山。半腹翠屏橫，截萬
里天。瀑水落溪千丈，玉雲梯石磴。入杳冥，俯看四

極如中庭丹崖壓下廬霍勢白日隱出斗星彩
松一歲抽數尺瓊草黃緣秀層壁南風拂曉烟霧
開滿山葱蘢鋪鮮碧雷震往來從地發龍卧豹藏
安可別峻極遙看屺昊蒼挺生豈得無才傑神仙
憚險莫敢登馭風駕鶴循丘陵陽鳥不見峰頂樹
大火尚結岩中冰靈光蕪氣曠復旭晴天倒影西
江淥具區彭蠡夾兩傍正可別作一嶽當少陽

青出藍

芳藍滋疋帛人力半天經浸潤加新氣光輝勝本
青還同冰出水不共草為螢翻覆依襟上偏知造

化靈

湖南人登咸通進士第
緯古鏡詩與何涓瀟
湘賦天下傳之曰潘緯
十年吟古鏡何涓一

潘夜
瀟湘賦

中秋月

古今逢此夜共異
沈寥明豈是月
甚別祇應秋氣
清影當中土
正輪對八荒
平尋客徒留
望璿璣自
有程

琴

客來鳴素琴
惆悵對遺音
一曲起於古
幾人聽到
今
畫堂風
露遠日
泛月
烟
淡風
縷水
山
操坐
生方

外心

句

篆經千古澁影瀉一堂寒

古絕句僅見此
于吟憲雜錄

何涓

見前注

句

雁影數行秋半逢漁歌一聲夜溪發

冬陸
說

顧封人

月中桂樹

咸通中
京兆試

芬馥天邊桂扶疎在月中能齊大椿長不與小山
同皎々舒華色亭々麗碧空虧盈寧委露搖落不

閨風歲晚花應發春餘質自豐無因遂攀賞徒欲
望青葱

尹璞

題揚州相公宅

禍福從來路不遙偶然平地上烟霄烟霄未穩還

平地門對孤峯占寂寥

捫情錄作江潭詩興此補
英附後倚伏從來事不

遠無何平地起青霄
寔即平地門對古樾空寂寥

李嶸

獻淮南帥

捫情詩云李嶸鎮江淮有李嶸者
嶸者嶸詩云云後吳入相

雞樹烟含瑞氣凝鳳池波待玉山澄國人久倚東

關望擬築沙堤到廣陵

趙鴻

杜甫同谷茅茨

詩載魯冷齋杜集附錄云咸通中四載作

工部棲遲後隣家大半無青菴迷道路白社寄杯
盃大雅何人繼全生此地孤云飛鳥什空勒舊
山隅

粟亭

杜甫粟亭詩：人多在口悠，二甲子題紀今何
有

泥功山

在成都州有泥功廟石僧天武形甚古怪

立石泥功狀天然詭怪形未嘗私禍福終不費丹
青

已籤四

晚唐雜詩之八十七人

唐音統籤卷

八百五十六

鄭仁表

字休範，滎陽人。祖讀，文宣朝為相。父泊州刺史。仁表累擢起居郎，堂以門醜，文章自

高曰：天瑞有五，色、聲、人、瑞、有。鄭仁表，激縱多所陵藉，人畏薄之。劉鄩未仕時，仁表堂鄙訛其文，鄩為

相毀之，嶺外死。

贈妓僊哥

北里志：天水仙哥住平原，南曲善談，諸能歌，今為席糾寬，猛得所妾。

容亦常，但藍藉不。恩仁表席上贈詩云。

嚴吹如何下太清，玉肌無疹六銖輕。自知不是流

霞酌，願聽雲和瑟一聲。

贈妓命洛真

北里志：洛真有風貌，且慧，時為席組善音程。

巧製新章拍，新金疊迴響。助精神時，欲得橫

波盼又怕回籌錯指人

句

文章世上爭開路閱閱山東柱破天

王璘

陳言云璘詞學富贈崔詹事盧問表為于朝

十吏學不停繼首歲黃河賦三千字復為島散餘

花落詩二十首授望而就時忽風兩暴至歎幅為

一禪斯須復十餘篇矣時未亭年已七千餘言時

落岩方常鉤軸道一介召之璘曰請俟見帝岩大

問然矣

芍藥花開菩薩面樓閣葉散野人頭

紀事云璘與李群玉相遇

嶽麓寺摩玉曰公何許人璠曰日試萬言王璠奉
玉待之甚淺曰詩與公聯句可乎璠曰唯子之命
璠玉叔題而授之璠畧不佇思繼之曰芍藥云七
群玉遂屈崔詹專道璠灰緇數匹璠翼日以作中
單檐禱
表之

陳璠咸通中佐廉使劉常侍銓于徐性耿介不合
璠璠家居茅山焚香習禪妻子罕而乾符中弟
璠佐薛能幕於徐璠自月陽禱小舟與相見能重
其人延入城不可曰某已有妻不入公門矣薛移
每赴之語道永
日不宿而去

別僧

紀事云微寄居蘭若自注壇
經三卷臨行留此詩與其僧

行若獨輪車常畏大道覆正若負底器常恐他物
觸行止既如此安得不離俗

嚴暉

字子重吳興人有詩名舉進士不第
興社收游咸通十一年卒詳皮陸集

落花

春光冉冉歸何處更向花前把一盃盡日問花

不語為誰零落為誰開

皮襲美稱惲詩清便柔媚
軼于常說此詩其佳者

王樞

浙西湖州
郡判官

和嚴暉落花詩

雅言集載云曹相確錄前西
日福舉進士嚴惲詩云樞

初其才
調和曰

花落花開人世夢衰榮閑事且持盃春風底事輕

搖落何似從來不要開

任濤

豫章筠州人此詩名早著咸通中十哲之一
數舉敗于岳成李常侍薦應舉江西時與枚

卿里之後旨俗互有論列應判曰境
內凡為詩得及濤者即與枚議遂息

句

露團沙鶴起人卧釣船流

據言

崔璞

清河人蘆州刺史與從事皮日休郡人陸忠蒙唱和成通初歷右散騎常侍

奉酬皮先輩霜菊見贈

菊花開晚過秋風聞道芳香正滿叢
奈病夫難強飲應須速自召車公

蒙恩除替將還京洛偶叙所懷因成六韻呈
軍事院諸公郎中一二秀才

西載求人瘼三春受代歸務繁多簿籍才短乏息
威共理中天獎分憂值歲飢遽蒙交郡印

到任十
二月

除晉末
及三年安敢整朝衣作收慙為政思鄉念式微倘

容還故里高卧掩柴扉

崔璐登咸通七年進士

第貳璞之昆季也

覽皮先董盛製因作十韻以寄周仲欽仰

河嶽挺靈異星辰精氣殊在人為英傑與國作禎
符袞湯得竒士俊邁真龍駒勇果魯仲由文賦蜀
相如渾浩江海廣葩華桃李敷小言入無間大言
塞空虚幾人遊赤水夫子得玄珠鬼神爭奧秘天
地惜洪鑪既有曾參行仍兼君子櫛吾知上帝意
將使居黃樞好保千金體須為萬姓謨

張賁

字潤卿南陽人登大中進士第唐末為廣文博士嘗隱于茅山後寓吳中與皮陸洪以詩

和

旅泊吳門

一舸吳江晚堪憂病廣文鱸魚誰與伴鷗鳥自成
群反照縱橫水斜空斷續雲異鄉無限思盡付酒
曛

賁中間有吳門旅泊之什蒙魯望垂和更作
一章以伸酬謝

偶發陶匏響皆蒙組繡文清秋將落帽子夜正離
群有恨書燕雁無聊賦郢雲編着心自醉不是酒

能醜

酬襲美先輩見寄倒來韵

尋疑天意喪斯文故選茅峰寄白雲
酒後只留滄海客香前唯見紫陽君
近年已絕詩書癖今日魚鱗筆硯
焚為有此身猶苦患不知何者是玄
纁

奉和襲美醉中即席見贈次韻

桂枝新下月中仙學海詞鋒譽藹然
文陸已推忠信甲窮波猶認孝廉船
清標稱住羊車上俗韻慚居鶴氅前
共許蓬蒙快弓箭再穿楊葉在明年

奉和襲美題褚家林亭

踈野林亭震澤西
朗吟閑步喜相攜
時風折蘆花亂處
霜摧稻穗低
百本敗荷魚不動
一枝寒菊蝶空迷
今朝偶得高陽伴
縱放山翁醉似泥

奉和襲美傷開元觀顧道士

鳳麟膠盡夜如何
共嘆先生劍解多
幾度弔來唯白鶴
此時來去必青驪
圖中含景隨殘照
琴裏流泉寄逝波
惆悵真堂又空返
玉書誰授紫微歌

和魯望白菊

雪練冰姿號女華
寄身多是地仙家
有時南國和霜立
幾處東籬伴月斜
謝客瓊枝空貯恨
袁郎金

詞不成誇自知終古清香在更出梅粧美晚霞

奉和襲美光黃悼鶴

池塘蕭索掩空籠玉樹同嗟一土中
莎徑罷鳴唯泣露松軒休舞但悲風
丹臺鶴斃難重造紫府新書豈更通
雲滅霧消無處問只留華髮與衰翁

偶約道流終中文會答皮陸

仙侶無何訪蔡經西煩韶護出彤庭
人間若有登樓望應怪文星近客星

和襲美寒夜見訪

雲孤鶴獨且相親傲劫從他折角巾
不用吳江嘆

留滯風姿俱是玉清人

和襲美醉中先起次韻

何事桃源路忽迷
惟留雲雨怨空閨
仙郎共許多情調
莫遣重歌濁水泥

和皮陸酒病偶作

白編椰席鏤冰明
應助揚青解宿醒
難繼二賢金玉唱
可憐空作斷猿聲

送浙東德師侍御罷府西歸

德師後見

孤雲獨鳥本無依
江海重逢故舊稀
楊柳漸疏蘆葦白
可憐斜日送君歸

以青飴飯分送襲美魯望因成一絕

誰屑瓊瑤事青飴舊傳名品出華陽應宜仙子胡
麻拌因送劉郎與阮郎

玩金鷄鵝和陸魯望

翠羽紅襟鏤彩雲雙飛常笑白鷗群誰憐化作彫
金質從倩沈檀十里聞

悼鶴和襲美

渥頂鮮毛品格馴莎庭開暇重難群無端日暮東
風起飄散春空一片雲

李穀

宗德師咸通進士也唐末為浙東觀察推官
黃殿中侍御史詩見松陵唱和集皮日休序

云南陽廣文潤卿隴西侍御德師旅泊之際咸以詞致歸詞之不多去之速也

浙東罷府西歸酬別張廣文皮先輩陸秀才
豈有頭風筆下疼浪成蠻語向初筵蘭亭舊趾雖
曾見柯笛遺音更不傳照曜文星異分野留連花
月晉名賢相逢只恨相知晚一曲驪歌又幾年

和皮日休悼鶴

才子襟期本上清陸雲家鶴伴閑情猶憺反顧五
六里何意忽歸十二城露滴誰聞高葉墜月沉休
藉半階明人間華表堪留語刺向秋風寄一聲

又

道林曾放雪翎飛，應悔庭除閉羽衣。
料得玉恭披鶴氅，倚吟猶待月中歸。

醉中襲美先月中歸

休文雖即逖瓊波，阿鷺還須掩玉闥。
月落金雞一聲後，不知誰悔醉如泥。

鄭璧

唐末江南進士也
有與皮陸酬唱詩

和傷顧道士

斜漢銀澗一夜東飄，何處五雲中空留。
董表千年約綵畢，丹爐九轉功形脫。
遠山孤壙月影寒，溪院晚松風門人不解飛。
昇去猶與浮生哭，恨同。

奉和陸魯望白菊

白艷輕明帶露痕始知佳色重難群
終朝疑笑梁王雪盡日慵飛蜀帝魂
燕兩似翻瑤渚浪雁風疑捲玉綃
紋瓊妃若會寬裁剪堪作蟾宮夜舞裙

和襲美索友人酒

乘興閑來小謝家便裁詩句乞榴花
邴原雅不無端醉也要臨風從鹿車

文燕潤卿不至

已知羽駕朝金闕不用燒蘭望玉京
應是易遷明月好玉皇留著舞雙成

魏樸

唐末兵中名士
典皮陸唱和

和皮日休悼鶴

和皮日休悼鶴

直欲裁詩問杳冥，豈教靈化亦浮生。
風林月動疑留魄，沙島烟深已盡情。
雪骨夜封蒼蘚冷，練衣寒在碧塘輕。
人間飛去猶堪恨，况是泉臺遠玉京。

又

經秋宋玉已悲傷，况報胎禽昨夜亡。
霜曉起來無問處，伴僧彈指逸荷塘。

顏荒

唐末寓東吳與陸龜蒙為詩文交龜蒙卒就

木至穴情禮不致登第歷中書舍人梁相

纂唐荒與唐屬臣朱葆光李濟數董璲家南渡寓

潭州每正旦冬至必序立南嶽祠前北望踞傲殆

二十年事見
宋史朱昂傳

戲張道人不飲酒

言自雲山訪我來，每聞奇秘覺餐陪。
吾師不飲人間酒，應待流霞卽舉杯。

句

燕籟盡成鳴鳳曲，遊人多是弄珠仙。

方輿勝覽

李濟

紀事云長沙人，遊逸，知任太學博士。主執試

賈詩與顏亮語人寓潭州二十一年後復北歸。今他

事直云長沙人或乾其流寓地志之也。若五代寧

相李濟者又

句

水聲長在耳山色不離門
掃地樹留影拂床琴

有聲落日長安道秋槐滿地花
紀事云清篇咏甚昔以上諸句

贈炎人口

顏壹 字弘至江南進士也中書舍人亮之弟壹受知于張祐唐末與皮陸嗣唱詩載松陵雜

送羊振文歸觀桂陽

高掛吳帆喜動容問安歸去指湘峯
懸魚庭山芝

蘭秀馭鶴門前薜荔封 蘇說舊宅在桂州
紅旆正憐棠影

茂絲衣偏帶桂香濃臨岐獨有霞襟戀
南巷當年

共化龍 先輩與拾遺叔父同年

送圓載上人

師來一世恣經行却泛滄波問去程心靜已能防

渴鹿盤喧時為駭長鯨

師云舟人過鯨則曳鼓以恐云

禪林幾結

金桃重

日本金桃重一官斤

梵室重修鐵瓦輕

以鐵為瓦輕于商者料

得還鄉無別利只應先見日華生

過張祐處士丹陽故居有序

萱興故張處士祐世家通舊尚德孩稚之數與

伯六崇承處士指抱之仁日嘗怒為神童期孔

融二崇崇光陰組對二祀於茲遷經其故居已

易化主訪遺孤之所止則距故居之右二十餘

步制樁之下華門啓焉處士有四男一女男曰

椿兒桂子倚兒地兒問之三已物故唯祀為遺

孕與其女尚存欲捐祀與官則乞食於汝墳

矣但有窳駸而黃冠者杖策迎門乃昔時汝墳

崔氏也與之語舊歷然可嘆嗟乎萬世練裙魚

非所有琴書圖籍書屬他人又云橫塘之西有

故田數百畝力既貧
寒十年不耕唯歲賦
萬錢求免無所嗚呼
昔為穉生置醴
鄭公立鄉者復何人哉
同吟五十
六字以間好筆意

憶昔為兒逐我兄
曾拋竹馬拜先生
書齋已換當

時主詩壁空題
故友名豈是爭權
留怨敵可憐當

路盡公卿紫扉
草屋無人問
猶向荒田責地征

李昭象字化文父為池州刺史日家焉懿宗末耳

器重之薦於朝將召試會崇岐遂還秋浦移居九

華與張喬顧雲輩為方外友龍紀中揚於密以書

喜杜荀鶴及第

溪岩貧復病
榜到見君名
貧病渾如失
山川頓覺

清一春新酒興四海舊詩聲日使能吟者西來步
步輕

赴舉出山留寄山居鄭參軍

還如費冠卿向此振高名肯羨魚鬚美長誇鶴唳
輕理琴寒指倦試藥黑髭生時素難雲卧隨者急
詔行

題顧正字谿

高敞吟軒近釣灣塵中來似出人間若教明月休
生桂應得危時共掩關春酒夜暮難放客短籬疎
竹不遮山莫誇恬淡勝榮祿雁引行高未許閑

寄獻山中顧公員外

抽却朝簪著釣蓑
近來聲迹轉難裁
祥麟避網雖山野
丹鳳啼書即薜蘿
乍隱文章情更逸
久閑經濟術翻多
深慙未副吹噓力
竟困風埃事奈何

山中寄崔諫議

半生猿鳥共山居
吟月吟風雨鬢疎
新句未嘗忘教化
上才爭忍不吹噓
全家欲去干戈後
大國中興禮樂初
從此升騰休說命
祇希公道數封書

學仙詞寄顧雲

紀事云時雲在淮而慕昭象詩蓋招隱之義也

記得初傳九轉方
碧雲峰下祝虛皇
丹砂未熟心

徒切白日難留髮欲蒼無路洞天尋穆滿有時人
世羨劉郎仙師恩重何由報焚盡星壇午夜香

寄尉遲侍郎

我眠青嶂弄澄潭君戴貂蟬白玉簪應向謝公樓
上望九華山色在西南

招西洞道者

危峰抹黛夾晴川樹簇紅英艸碧斑
無事此中堪去覓靈仙

句

投文得仕而今少佩印還家古所榮

送同齡之選
德北事

懿宗朝舉子

刺安南事詩

北夢瑣言云懿宗朝安南失于
撫柔勇勳兵後有舉子問討卒

二千没于蠻師有詩以刺吟之
知失于授任為國學生事爾

南荒不擇吏致我交趾覆聯綿三四年致我交趾
辱懦者鬪則退武者兵益黷軍容滿天下戰將多
金玉刮得瘠民瘡分為猛士祿雄々許昌師忠武
冠其族去為萬騎風住為一川因時有殘卒回干
門萬戶哭哀聲動閭里怨氣成山谷誰能聽鼓教
不忍看金鏃念此堪淚流悠々頃川綠

已籤四

晚唐之九
四十八
人同卷

唐音統籤卷

八百五
十七

盧携

字子非
乾符中為相
入閣抑藻而死

題司空圖壁

圍以殿中侍御史責授光祿主簿
携復知政事召圍為禮部員外郎

遊早禮之常適其居迺壁云
携復知政事召圍為禮部員外郎

姓氏司空貴官班御史卑老夫如且在不用歎屯

奇

唐制御史原非尊官卑字有改為
并改下屯奇為途窮起韵者非是

裴澈

登咸通進士第唐宗朝
拜相以權立偽始誅

弔孟昌圖

左拾遺孟昌圖在蜀上疏極議僖
宗田令致惡之沉諸墓
蜀江激以

詩

一章何罪死何名投水惟君與屈平從此蜀江烟

月夜杜鵑應作兩般聲

蕭道

徐國公萬之四代孫咸通五年登進士第傳

宗幸蜀拜相後為偽煜所污賜死 紀事云

蕭興

常保衛同年登第保衛以幸進而蕭自標致

衝响之既相材

蕭之失敗播州司馬遜經三峡月

夜賦詩自憐

懼其見害若有人告曰

公其勿憂

余當為禁禦後果為相

春詩

南國韶光早春風送腊來水堤烟報柳山寺雪驚
梅練色鋪江晚潮聲逐渚回青旗問沽酒何處撥
寒醅

和王侍中謁張惡子廟

僖宗幸蜀能劍贈神
祈減泉賦時進與侍

中銓皆題駕

在蜀有詩

青骨祀吳誰讓德紫華居越亦知名未聞一劍傳
唐主長擁千山護蜀城斬馬威稜應掃蕩截蛟鋒
刃俟昇平鄴侯為國親簫鼓堂上袖籌更布兵

成都

見全蜀
志

月曉已開花市合江平偏見竹籬多好教載取芳
菲樹刺照岷天瑟七波

句

吾家九葉相盡繼明時出

興子三兒生日因學
紀問云座自瑞蓮蓮凡

八葉宰相而貞陽侯之
后有鄧相梁宣故云

盧渥

字子章范陽人歷中書舍人堂知貢舉過巢
寇犯關不及終趙崇獻之曰出撫不仕養主

司也蓋盧氏未嘗知舉云後終檢校司徒
此夢瑣言云初渥在舉場甚有時稱曾于渥水逆
旅過宣宗微行意其貴人歛身避之帝呼與相見
乃自稱述士盧渥帝請詩卷初之而去他日對宰
臣語及盧渥令主司擢第字臣問渥與主
上有何階渥語其凍具曰時名不以為亦

賦得壽星見

玄象今何應時和政亦平祥為一人壽色映九霄
明皎潔燭銀漢光芒近斗城含規同月滿表瑞得
天清甘露盈條降非烟向日生無如此嘉祉率土
荷秋成

題嘉祥驂

紀事云渥家軒冕之盛近代無比
伯仲四人成居顯列軋符初毋憂

張闕渥自前中書舍人拜改府現繁使弟
絕前憂安全除給事中弟流自前集賢校

理除左拾遺弟沼自嵩樹遷監察御史詔書疊至士族榮之及赴任陔却洛城自居守分司領臣已下五設祖道洛城為之一聖郡人傳規亘數十里漣題嘉祥縣云

交親榮錢洛城空東鐵戎裝上將同星使自天丹
詔下離鞍照地數程中馬嘶靜谷聲偏響旆映晴
山色更紅到後定知人易化滿街棠樹有遺風
張禕字冠章南陽人苦心為文先而益壯宮至中書舍人從僖宗幸蜀後終兵部尚書

巴州寒食晚眺蜀志

東望青天周興秦杏花榆葉故園春野寺一傾寒
食酒晚來風景重愁人

題擊甌接見方輿勝覽

駐旌元帥遺風在擊缶高人逸興酣水轉巴文清
溜急山連蒙岫翠光涵

崔瓘

字汝器清河人官至吏部尚書

贈營妓

詩話越危云崔左轄環收江外郡祖序夜開一營妓先辭歸崔與詩曰

寒簷寂々雨霏々候館蕭條燭燼微只有今宵同
此宴翠娥伴醉欲先歸

狄歸昌

官侍郎光化中歷尚書左丞受興僧游其有服紫袈裟者乃效之

題馬嵬驛時僖宗幸蜀

一作羅

馬嵬烟柳正依々重見鑿與幸蜀歸泉下阿蠻
應有語這回休更怨楊妃

鄭損傳宗幸蜀時有中書舍人鄭損隨駕與試又
聲調辨之當定有寄舍鄭損詩存尚之其弟然以
為舍人鄭損也

星精亭

通江志玄妙觀有星精石唐人刻篆

街為
推官

星沉萬古痕孤絕勢無隣地窄少留竹空多刺占
雲釣遠和兩者樵斧帶霜聞莫惜尋常到清風不
負人

李體仁

趙郡人續之子也
官至江州刺史

飛鴻響遠音

漠々微霜夕翩々出渚鴻清聲流迥野高韻入寥

空傷賸經寒塞殘音響遠風緊雲猶類網避月尚
疑弓弱羽雖能振升霄竟未通欲知多怨思聽取
暮烟中

王枳

常州刺史

句

常州志云州屬貢陽羨荅德宗章蜀枳親法肥貢有句云

今朝拜貢盈襟淚不進新芽是進心

王龜

字大年官會稽太守崇厚方干者

句

珠箔卷繁星金樽瀉月明

溫憲

鹿筠之子登進士第辟山南幕府光啓中李巨川州荐表盛述其先人之誼曰娥眉先姑

胡妃為去國之人，猿臂自傷，李廣乃不侯之將，冀以汲引後人，然竟以本幕終云。

郊居

村前村後樹，禽賞有餘情。
青麥路初斷，紫花田未耕。
雖聲聞不到，山勢望猶橫。
寂寞春風裏，吟酣信馬行。

杏花

團雪上晴梢，紅明映碧寥。
店香風起夜村白，雨休朝靜落猶和。
蒂繁開正敵，條澹然閒賞久。
無以破妖嬈。

春鳩

村南微雨新平綠，淨無塵散睡柔條。暖聞鳴屋鴛
春遠聞和曉夢相應，在諸鄰行樂花時節。追飛見
亦頻

題崇慶寺壁

憲傳昭閣就試有司值鄭相延
昌掌邦貢以其父文多利時復

故殿朝士抑而不錄既不第遂趨一絕于
崇慶寺壁後鄭公登大用固忌行書見
之潤然動容暮歸宅已除趙崇知疾即召
之謂曰某頃主文滄以溫憲庭筠之下
怒賦之今日見一絕令人
然乎勿遺也于是成召詩曰

十口溝隍待一身，半年千里絕音塵。鬢毛如雪心
如死，猶作長安下第人。

李廷璧

傳宗朝發進士第擢情集云歌篇靡麗
詩韵精能應舉二十年方于蜀中策名

愁詩

定壁堂為舒州事伴其妻猜妬一日鈴

閨連宴三宵不歸妻遠意云來必刃之

泣告州牧徙居佛寺泣

自咏愁詩曰

到來難遣去難留
着骨熬心萬事休
滿岳愁絲生
鬢裡
嬾好悲色上眉頭
長途詩畫空
騎馬遠雁聲
初獨倚樓更有相思不相見
酒醒燈暗背銀鈎

鄭合

軋臂三年登第
終諫話大夫

及第後宿平康里詩

春來無處不開行
楚潤相看別有情
好是五更殘

酒醒時

二間喚狀頭聲

北里志楚說字潤卿三曲
尤有詩句詳宮內

盧嗣業

范陽人給之孫也
乾符五年登進士第
廬明初以長安尉直昭文館左拾道右補闕

對字卷八
百五十七
六

許敬宗判官檢校禮部郎中

致孫狀元訴贖罰錢北里志云曲山城之頭角者為知分管諸姓

俾追召更信其於云復分錢鄭德上者善

新即君更信其於云復分錢鄭德上者善

令章與終真至為席終皆卻知也是年孫

僂為悅元類惑舉：與同年侯潛杜彥球

崔昭應趙光遠盧持李氏烈數人多正其

舍他人不得預嗣業少有詞執無據守之

譽與同年非藉知聞多稱

刀龜不遵職罰故有此篇

未識都知面頰輸復分錢苦心事筆硯得志助花翎
徒步求秋賦持盃給暮餽力微多謝病非不奉同
年

李搏登乾符進士第

賀裴廷裕蜀中登第詩

裴崇在成都廷裕登第詩以詩賀復以一

絕語之

銅梁千里曙雲開
仙籙新從紫府來
天上已張新羽翼
世間無復舊塵埃
嘉禎果中君平卜
賀喜須斟卓氏盃
應笑戎藩刀筆吏
至今泥滓曝魚腮

又

曾隨風水化凡鱗
安上門前一字新
閣道蜀江風景好
不知何似杏園春

盧尚卿

唐宗朝中和二年登第于蜀

東歸詩

年號記云咸通十一年以鹿勳蓋被徐州久屯戍卒連江飛鮑物力方虛

因詔權停貢舉一年是歲尚卿自
適至蜀則詔而回乃賦東歸云

九重丹詔下塵埃
沃銷文闈罷選才
桂樹放教遊
月長杏園終待隔
年開自從玉帳論
兵後不許金
門諫獵來
今日灞陵橋上過
路人應笑臘前回

程賀花亞與眉州賀為歷僕崔見其風味不常問
曰爾讀書乎曰薄涉菡文指指一物合咏之
程賀有應言曰今時選獎稱於諸公開凡二十
五卷及第時中和二年也亞卒賀服哀三年

君山

紀事云賀以此詩
得名時號程君山

曾游方外見麻姑
說道君山此本無
云是崑崙山
頂石海風吹落洞
庭湖

顧在鎔蘇州人光祿
二年進士第

題王芝雙奉院

入門如洞府花木興時稀
夜坐山當戶秋吟葉滿
衣犬隨童子出鳥避俗人飛
至藥應將熟年七火
氣微

宿麻平驛

及到怡情處暫忘登陟勞
青山看不厭明月坐來
高犬為孤村吠猿因冷木
號微吟還獨酌多興憶
同胞

題光福上方塔

蒼鳥孤生白浪中倚天高塔
勢翻空烟凝遠岫列

寒翠霜染疎林墮碎紅汀沼或栖彭澤雁樓臺深
貯洞庭風六時金磬落何處偏傍蘆葦鷺釣翁

翁汎

字子平睦州人光啟三年進士第官
主客員外郎歸隱青山後徵召不起

枯木詩辭召命作

枯木傍溪崖由來歲月賒有根盤水石無葉接烟
霞二月苔為色三冬雪作花不因星使至誰識是

靈槎

重見別人句

贈進士王雄

河清海晏少波濤巖戴垂鉤不得整空向人間修
諫草又來江上咏離騷笳吹古堞邊聲遠嶽倚晴

空楚色高何事明廷有徐庶總教三徑卧蓬蒿

漁者

一葉飄然任浪吹
兩簑烟笠肯忘機
只貪濁水張羅象
却笑清流把釣緇
葦岸夜依明月宿
柴門晴棹白雲歸
到頭得喪終須達
誰道漁樵有是非

上子男壽昌宰

陶公為政卓滂齊
入縣看花柳滿堤
百里江山聊展驥
九疊雲月怪驅雞
高樓野色迎襟袖
比屋歌聲遠鼓鼙
只恐繁棘留不住
明時霄漢有丹梯

贈方干先生

白來箕踞任天真別有詩名出世塵不受春宮分
桂樹欲教天子枉蒲輪城頭鼙鼓三聲曉島外湖
山一簇春獨向若耶溪上住誰知不是釣鰲人

贈進士李德新接海棠梨

蜀人猶說種難成何事江東見接生席上若微亮
李伴花中堪作牡丹兄高軒日干爭濃艷小徑風
移旋落英一種呈妍今得地劍峯梨嶺設縱橫

春日題航頭橋

故園橋上絕埃塵此日凭欄興自新雲影晚將仙
掌曙水光迷得武陵春薛蘿煙裡高低路楊柳風

前去住人莫怪馬卿題姓字終朝雲雨化龍津

和方干題李頻庄

高情度日非無事自是高情不覺喧海氣暗蒸蓮
葉沼山光晴逗葦花村吟時勝繫題詩板靜處繫
華付酒樽閒伴白雲收桂子每尋流水劇桐孫猶
憑律呂傳心曲豈慮星霜到鬢根多少清風歸此
地十年虛打五侯門

李嶼

光啟三年進士
嶼第鄭谷有寄詩

過洞庭

浩渺注橫流千潭合十湫半洪侵楚翼一以屬吳

頭動動當新霽漫空正仲秋勢翻荆口連聲擁岳
陽浮遠脉滋衡岳微涼散橘洲星辰連影動嵐翠
逐隅收漸落分行雁旋添趁伴舟舁膳人莫測安
穩路何憂氣與塵中別言堪象外搜此身如粗了
來把一竿休

張曙

吏部侍郎裴之子文章秀麗精神敏俊大順
中發第官右補闕北夢瑣言云曙與杜荀鶴

同年工于詞賦荀鶴雖有名不足擬倫

下第戲狀元崔昭緯

諺言云曙與崔昭緯中
和初而川同舉相與語

日者問命曙時自負才名藉甚以為將來
狀元崔名分居其下日者殊不確曙第日
崔曰將來萬全高第曙有愠色日者曰即
君亦及第然須待崔拜相堂此時過堂既

而曙果不終場昭緯首冠曙以篇什戲之
云七後七年昭緯為相曙方登第果于昭
逸堂

千里江山陪驥尾五更風水夾龍鱗昨夜浣花溪

上兩綠楊芳草為何人

歐陽澣詹之孫紀事云澣出入場中二十年善

載未堂一面而慶不虧常雖不言心念其人
和初韋隨駕至蜀命相時澣寓居漢南草以書令
衰幼劉巨容但辭計借巨容得書待以厚礼首薦
之獲日邊路無何一夕心痛而卒巨容因籍灑答
書呈于韋
覽之慨然

咏燕上主司鄭愚

翻日雙燕画堂開送古迎今幾萬回長向春秋社

前後為誰歸去為誰來

句

萬菊離家十四年

離家已是夢松年

落日望

鄉處何人知客情

此章云澗晏婦經旬而辭赴舉久不還家詩云日自憐十八年

之帝御未過知已也

李克恭

軋符初舉子

吊賈島

一一玄微縹緲成
盡吟方便爽神情
宣宗謫去為閑事
韓愈知來已振名
海底也應搜得淨
月輪常被玩
放傾如何未隔四十載
不過論量向此生

張孜

紀事云懿信之代京北人
乾酒如狂與李山甫善

雪詩

長安大雪天鳥雀難相覓其中豪貴家搗椒泥四
壁到處蒸紅爐周迴下羅幕暖手調金絲蘸甲斟
瓊液醉唱玉塵飛困融香汗滴豈知飢寒人脚手
生皴劈

句

着牙賣朱紫斷錢餘舉選

紀事云懿宗在蜀孜有
傷時之作云帝還京

相府遣人捕之孜
易姓走淮而遁

華山秀作英雄骨黃河湧出

縱橫才

夢破青霄春烟霞無去處若誇郭璞五色筆江淹
却是尋常人夢李

孫蜀

與方干
同時人

中秋夜戲酬顧道流

不那此身偏愛月等閑看月即更深仙翁每被常
娥使一度逢圓一度吟

趙光遠

奉北里志云故山北之子山北皆華州刺史
史嵩也不第而沒光化中章綬奏贈官

咏手

粧成皓腕洗凝脂背接紅巾掬水時薄霧袖中拈
玉笋斜陽屏上撫青絲喚人急拍臨前檻摘杏高

擅近曲池好是琵琶絃畔見細圖無節玉參差

又

撚玉磋瓊軟復圓綠窻誰見上琴絃慢籠彩筆開
書字斜指瑤階笑打錢爐面試香添麝炷舌頭輕
點貼金鈿象床珍簾宮幕處拈定文楸占角邊

題妓菜兒壁

溼宮
明內

裴銅

高駢客也為成制即度副使加授
御史大夫撰三卷記神仙祇詣事

題文翁石室

文翁石室有儀形庠序千秋揣德馨古栢尚留今
日翠高岷嶺猶藹舊時青人心未肯拋矧議弟子依

前學聚螢更歎施江無限水爭流祇願到滄溟

劉頌

高縣
時人

憤惋詩三首

寶釵分股合無緣魚在深淵日在天得意紫鸞休
舞鏡斷踪青鳥罷啣箋金杯倒覆難收水玉軫傾
歌懶續絃從此蘼蕪山下過祇應將淚比黃泉
鸞辭舊伴知何止鳳得新梧想稱心紅粉尚存香
幕白雲將散信沉沉已休磨琢投泥玉懶更經
營買笑金願作山頭似人石丈夫衣上淚痕深
舊嘗游處徧尋看覩物傷情死一般買笑樓前花

已謝畫眉窻下月空殘雲歸巫峽音容斷路隔星

河去住難莫道詩成無淚下淚如泉滴亦須乾

崔江

以下十一人並見唐劉松宜陽集江及
仇並宜春郡未詳何秋

宜春麗城聞猿

怨抱霜枝向月啼數聲清逸郡城低那堪日夜有
雲雨便似巫山與建溪

李伉

謫宜陽到荆渚

漢江水水連天被謫宜陽路幾千為問野人山
鳥語問予歸棹是何年

鄭啟

以下八人宜其人啓
史之子谷之兄也

巖塘經亂書事

塵生宮闕霧濛濛，萬騎龍飛幸蜀中。
在野傳巖君不夢，乘軒衛懿鶴何功。
雖知四海同盟久，未合中原武備空。
星落夜原妖氣滿，漢家麟閣待英雄。

又

梁園皓色月如珪，清景傷時一恁悽。
未見山前歸牧馬，猶聞江上帶征靴。
鯢為魚隊潛鱗困，鶴處雞群病翅低。
正是四郊多壘日，波濤早晚靜鯨鯢。

鄧表山

山在袁州城南三十里晉
真人鄧表飛昇之處故名

白日三清此上時，視開山下彩雲飛。
仙壇丹灶靈猶在，鶴駕清朝去不歸。
晉末我遷陵谷改，塵中空換子孫非。
松花落盡無消息，半夜疎鐘徹翠微。

劉望

九嶷山

山在薩鄉上
有九嶷仙觀

鼎湖冠劍有遺踪，晉漢真人明化同。
九轉藥成丹竈冷，五車雲去玉堂空。
仙家日月蓬壺裡，塵世烟花夢寐中。
徒有舊山流水畔，老松枝葉苦吟風。

彭蠡

字東塘，好學不仕，重修唐觀。
漢源池，本州廟堂，危鑑諸書。

賀鄧瑞使君正拜袁州

六正惠愛及黎吐天府論功俟陟明一尺詔書天
上降二千石祿世間榮新添畫戟門增峻舊躡青
雲路轉平更待皇恩醒善政碧油幢到郡齊迎

易思

思一作侶

郡城放猿猷衛使君

千巖萬壑與雲連放出隴籠任自然葉洒驚風啼
暮雨月凝殘雪飲流泉臨歧莫似三聲日避射須
依逸樹年應解感恩尋太守攀蘿時復到樓前

題袁州龍興寺

百尺古松下寺寶幡來蓋盡珊瑚間庭甘露幾

回落青石綠苔猶未乾

山中送弟方質

山中殷勤弟別兄，還送弟下山行。
蘆花飛處秋風起，日暮不堪聞雁聲。

尋易尊師不遇

爛熳紅霞光照衣，苔封白石路微微。
華陽洞裡人何在，落盡松花不見歸。

趙防

秋日寄弟

涼風颯底戶漸疑，華髮侵已經楊柳。
謝猶聽曉鶯

吟雨助灘聲出雲連野色溪鵲鷓今在遠年酒共
誰斟

劉廓

楊岐山

山在今萍鄉縣北七十
里至女技衣即其處

千峰圍古寺溪處敞樓臺景異尋常處人須特達
來松杉寒更茂嵐靄晝還開欲續豈碑語含亮恨
不才

姚偓

南源山

修迳投幽隱輕裘怯暮寒閑僧能解榻倦客得休

鞦韆白雨鳴山麓青燈語夜闌明朝梯石路更仗筇

興安

宋迪

名在宣陽集中而無其詩當名鄭放同所人也

龍池春草

鳳闕韶光遍龍池草色勻烟波全讓綠堤柳不爭
新翻葉迎紅日飄香借白蘋幽姿偏占暮芳意欲
留春已勝生金埒長思籍玉輪翠華如見幸正好
及茲辰

万俟造

龍池春草

暖積龍池綠，晴連御苑春。迎風莖未偃，裊露色猶
新。苒苒分階砌，離離雜行蔭。細叢依遠渚，疎影落
輕綸。迺引索花蝶，偏宜拾翠人。那憐獻賦者，惆悵
惜茲辰。

僖宗朝北省官

寄兄

江鄰叢雜志云僖宗幸蜀有北省官避地江左而元昆居蜀在蜀回寄詩云

涉江今日恨偏多，援筆長吁欲奈何。倘使淡流西
去得，便應添作錦江波。

陳璠

三水小牘云璠湍中之走卒與徐紳時薄結

軍中兄弟好薄受朝命表為宿田太守厚飲

流刑百世嗟怨五年中資賄山積薄令人代之不
受命斬之于郡新唐書云璠怒其擅害藉紳支

再賦

艾聞前句怪欲擊之衛曰可乎再賦冀慮云云後果侍號亂天下

蠟上西風滿院栽蕊寒香冷蝶難來他年我若為青

帝報興槐花一處開

俞文豹清夜錄蒙舉進士不蒙賦詩云待到秋來九月

八我花開後百花散街天香障透長安滿城盡帶黃金甲

自題像

周穀五代亂離紀云巢敗後為僧依張全義于洛陽曾繪像題詩于上人見像識其為巢云又按此詩乃周元稹贈智度師所改似屬唐會云姑存之

記得當年草上飛鐵衣著盡着僧衣天津橋上無人識獨倚欄杆看落暉